

FOND "BOŠNJACI" SARAJEVO

Ul. Džemala Bijedića br. 17

Tel/Fax: 033/677-200

raspisuje

KONKURS

za dodjelu stipendija redovnim učenicima i studentima
u školskoj/akademskoj 2012/13. godini iz sredstava koja obezbjeđuje Fond "Bošnjaci"

I

Na osnovu člana 17. Statuta Upravni odbor Fonda "Bošnjaci" Sarajevo je donio Odluku o dodjeli **100 stipendija** učenicima i studentima u školskoj/akademskoj 2012/13. godini, i to:

1. 20 (dvadeset) stipendija za učenike srednjih škola (po prijedlogu škola):

- a) Prva bošnjačka gimnazija u Sarajevu 5 stipendija;
- b) Gazi Husrev-begova medresa u Sarajevu 5 stipendija;
- c) Elči Ibrahim-pašina medresa u Travniku 2 stipendije;
- d) Behram-begova medresa u Tuzli 2 stipendije;
- e) Karadžoz-begova medresa u Mostaru 2 stipendije;
- f) Medresa "Osman ef. Redžović" u Visokom 2 stipendije;
- g) Medresa "Džemaludin ef. Čaušević" u Cazinu 2 stipendije.

2. 80 (osamdeset) stipendija za studente:

- a) **75 stipendija** redovnim studentima na **javnim** visoko-školskim ustanovama (univerziteti, fakulteti i akademije) na području Bosne i Hercegovine;
- b) **5 stipendija** redovnim studentima Fakulteta Islamskih nauka u Sarajevu (po prijedlogu FIN-a).

II

Stipendije se dodjeljuju za školsku/akademsku 2012/13. godinu od 01. septembra 2012. do 30. juna 2013. godine, odnosno 10 stipendija u mjesečnim iznosima od:

- a) 120,00 KM za učenike;
- b) 150,00 KM za studente.

III

OPĆI KRITERIJI:

- državljanin BiH;
- redovan učenik jedne od navedenih škola;
- redovan student na jednoj od **javnih** visoko-školskih ustanova (univerziteti, fakulteti i akademije) na području Bosne i Hercegovine;
- da nije stariji od 20 odnosno 27 godina.

IV

POSEBNI KRITERIJI:

- postignuti rezultati u učenju i vladanju;
- da učenik odnosno student prve godine studija (brucuoš) ima prosjek ocjena najmanje **4,50** u završnom razredu srednje škole;
- da student ima prosjek ocjena najmanje **8,00** u prethodnoj akademskoj godini;
- iskazani posebni rezultati na kantonalnom, entitetskom, državnom ili međunarodnom takmičenju iz predmeta matematika, fizika, informatika i strani jezici za prethodnu školsku/akademsku godinu u organizaciji ili posredstvom nadležnog ministarstva obrazovanja;
- materijalno stanje porodice - socijalni status;
- da nije stipendista nekog drugog pravnog ili fizičkog lica niti da ostvaruje pravo na novčanu naknadu po drugom osnovu;
- iz jedne porodice u školskoj/akademskoj 2012/13. godini ne može biti više od jednog korisnika stipendije;
- bezuslovno pravo na stipendiju imaju redovni studenti **prvog i drugog ciklusa** studija sa prosječnom ocjenom **10,00** neovisno o statusu visoko-školske ustanove.

V

Učenici i studenti primaoci stipendija iz prethodnih školskih/akademskih godina koji su ispunili uslov za upis u narednu godinu, odnosno uspješno okončali prethodni razred, radi kontinuiteta stiču pravo na određeni broj bodova za dodjelu stipendije u školskoj/akademskoj 2012/13. godini.

VI

Za studente prve godine studija (brucuoše) prosjek ocjena i drugo se uzima iz završnog razreda srednje škole, a za učenike prvog razreda srednje škole iz završnog razreda osnovne škole.

VII

Komisija za bodovanje i utvrđivanje prijedloga kandidata za dodjelu stipendija će utvrditi broj bodova za svakog kandidata prema slijedećem:

- bodovi po osnovu postignutih rezultata u učenju i takmičenjima;
- bodovi po osnovu prosječnih primanja po članu domaćinstva;
- bodovi po osnovu socijalnog statusa kandidata i porodice;
- bodovi po osnovu dosadašnjeg korištenja stipendije i dr.

POTREBNA DOKUMENTACIJA:

a) Opća

- zahtjev za dodjelu stipendije (preuzeti sa internet stranice www.fondbosnjaci.co.ba ili u sjedištu Fonda);
- uvjerenje o redovnom upisu u školsku/akademsku 2012/13. godinu;
- kopija indexa (stranica sa ličnim podacima i fotografijom);
- kopija diplome i svjedočanstva završnog razreda srednje škole (za studente prve godine studija);
- uvjerenje o državljanstvu;
- kućna lista (izdaje se i ovjerava u općini);
- izjava podnosioca zahtjeva nije stipendista nekog drugog pravnog ili fizičkog lica (izjava se daje i ovjerava u općini).

b) Dokumentacija koja se boduje

- uvjerenje o položenim ispitima iz prethodne godine s izračunatim prosjekom ocjena na dvije decimale;
- za studente prve godine studija dokaz da je ponos ili učenik generacije;
- dokaz za osvojeno prvo, drugo ili treće mjesto na kantonalmom, entitetskom, državnom ili međunarodnom takmičenju iz predmeta matematika, fizika, informatika i strani jezici za prethodnu školsku/akademsku godinu u organizaciji ili posredstvom nadležnog ministarstva obrazovanja;
- dokazi o ukupnim mjesečnim prihodima/primanjima za punoljetne članove porodičnog domaćinstva po osnovu: radnog odnosa, penzije, samostalne djelatnosti, boračko-invalidske zaštite i drugih osnova (za uposlene platna lista za posljednji mjesec, za penzionere ček od penzije za posljednji mjesec, čekovi od IMO i LIMO, za nezaposlene članove domaćinstva uvjerenje Zavoda za zapošljavanje, a ukoliko se ne vode na Zavodu za zapošljavanje dostaviti uvjerenje iz poslovnice PIO/MIO da se ne vodi kao osigurano lice po osnovu radnog odnosa ili ovjerena fotokopija zdravstvene knjižice iz koje se mogu vidjeti podaci o osiguranom licu, osnovu osiguranja i srodstvu sa osiguranikom, za članove domaćinstva ispod šest godina starosti Izvod iz matične knjige rođenih);
- dokaz da niko od punoljetnih članova domaćinstva nema samostalnu privrednu djelatnost (izdaje ispostava Porezne uprave u općini, Služba za privredu, budžet i finansije ili općinska Služba za ekonomski razvoj i dr.);
- dokazi za roditelje: šehidska porodica, bez jednog ili oba roditelja (Izvod iz matične knjige umrlih), dokaz o učešću u odbrambeno-oslobodilačkom ratu najmanje 24 mjeseca, dokaz o ratnom vojnom invaliditetu roditelja - preko 60% odnosno 80%;
- dokaz o ličnom invaliditetu kandidata - preko 60%;
- dokaz o redovnom školovanju učenika/studenata u porodici.

VIII

Krajnji rok za dostavu zahtjeva je **15. oktobar 2012.** godine.

IX

Rezultati Konkursa biti će objavljeni **23. novembra 2012.** godine na internet stranici Fonda "Bošnjaci" Sarajevo www.fondbosnjaci.co.ba sa pravom prigovora/žalbe u roku od 7 dana od dana objave rezultata.

X

Dodjeljene stipendije biti će uplaćene nakon potpisivanja Ugovora o stipendiranju.

NAPOMENE:

1. Pravo učešća na Konkursu imaju redovni studenti prvog ciklusa studija na **javnim** visoko-školskim ustanovama (univerziteti, fakulteti i akademije) na području Bosne i Hercegovine i redovni studenti **drugog ciklusa** studija sa prosječnom ocjenom **10,00**;
2. Stipendistima Fonda "Bošnjaci" **sa prosječnom ocjenom 10,00 u prethodnoj godini studija** pripada priznanje i nagrada u iznosu od po **200,00 KM**;
3. Stipendistima Fonda "Bošnjaci" koji na jednom od Univerziteta u Bosni i Hercegovini **na završnoj godini studija** steknu zvanje "**Zlatni student**" ili "**Student generacije**" pripada priznanje i nagrada u iznosu od po **400,00 KM**;
4. Uz **zahtjev za dodjelu stipendije (Obrazac: ZFB-1)** dostaviti **originalna dokumenta** ili **ovjerene** fotokopije;
5. Sastavni dio ovog Konkursa je **Sistem bodovanja kandidata (Obrazac: SBFB-1)** objavljen na internet stranici www.fondbosnjaci.co.ba na osnovu kojeg je kandidat **dužan sam sebe izbodovati**. Ukoliko kandidat **sam sebe ne izboduje u skladu sa datim uputstvima i Sistemom bodovanja**, njegov zahtjev za dodjelu stipendije **neće biti uzet u razmatranje**;
6. Neblagovremeni i nepotpuni zahtjevi **neće se uzimati u razmatranje**.

Precizno popunjen i izbodovan Zahtjev za dodjelu stipendije sa potrebnom dokumentacijom dostaviti putem pošte ili lično na adresu: **Fond "Bošnjaci" Sarajevo, Ul. Džemala Bijedića br. 17, 71000 Sarajevo.**



DIREKTOR

Šahin Kečla, prof.